

Ա. ՀՈՒՓՍԻՄԵԱՆՑ ԿՈՅՄԵՐ



...տմու-
...ատա-
...կու-
...փսիմէ
...աւն-
...ւաս
...ել իր
...որն

Ա. Հոփսիմէ ֆրիստոնեայ հաւատացեալ մըն էր, որ Հոռոմի մէջ ֆրիստոնեաներուն դէմ կատարուած հալածանքներէն փախած էր ու կ'ապրէր Գայիանէ կոյսի գլխաւորած հաւատացեալ կոյսերու խումբին մէջ: Այս իմբակը հաստատուած էր Հնձաններ կոչուած տեղի մը մէջ, Վաղարշապատի շրջակայքը:

Հայաստանի այդ ժամանակաշրջանի թագաւորը՝ Տրդատ, տակաւին հեթանոս էր եւ ուզեց ամուսնանալ Հոփսիմէի հետ: Ան անշուշտ մերժեց, որովհետեւ չէր ուզեր կին ըլլալ կոապաշտ թագաւորին: Հոփսիմէի ժխտական կեցուածքին որպէս հետեւանք, թագաւորը սպաննել տուաւ ոչ միայն Հոփսիմէն, այլ նաեւ անոր պետը՝ Գայիանէն եւ իր ընկերուհիները:

Եւ այսպէս է, որ նահատակուած այս 37 կոյսերը կոչուեցան Հոփսիմեան կոյսեր ու անոնք կը յիշատակուին մինչեւ այսօր մեր եկեղեցիէն ներս:

ՀԱՍՅԷ.
ՃՐԱԳ ՇԱԲԱԾԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,
P.O.Box 80810 -Tel/Fax:01-258300- [facebook-ի էջ jcrak](#) Ծրագրի քերթ

ԵԹԷ ԿԱՍ ԵՐԲ Կ՛ՈՒԶԵՍ...

ԵԹԷ ԿՈՒԶԵՍ ՊԻՏՆԱԼ ՏԻՐՈՋ ԽՕՍՔԻՆ ԿԱՏԱՐԵԼՈՒԹԻՒՆԸ, ՍՐԲՈՒԹԻՒՆԸ ԵՒ ՎԱՏԱՅԵԼԻՈՒԹԻՒՆԸ, ԿԱՐԴԱՆՔ
Սաղմոս 12

Տէ՛ր, մինչեւ ե՞րբ գիս պիտի անտեսես, մինչեւ ե՞րբ երես պիտի դարձնես ինձմէ: Մինչեւ ե՞րբ պիտի տագնապիմ, եւ ամէն օր տրտմութեամբ մաշիմ: Մինչեւ ե՞րբ թշնամիս յաղթանակ պիտի տանի իմ վրաս: Տե՛ս եւ պատասխան տուր, իմ Աստուած, լուսաւորէ աչքերս մահուան բունով չքնանամ: Չըլլայ որ թշնամիս ըսէ. «Յաղթեցի իրեն», կամ նեղիչներս ուրախանան անկումովս: Ես բուռ ողորմութեանդ վստահեցայ, սիրոս բուռ փրկութեամբդ պիտի ցնձայ: Քե՛զ պիտի երգեմ, ո՛վ Տէ՛ր, դուն՝ որ ինձի բարիք ըրիր:

Փառք Հօրը Որդիին եւ Սուրբ Հոգիին
Այժմ եւ միշտ յաւիտեանէ մինչեւ
յաւիտեան:

ԱՄԷՆ

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարողաւ կամ անդամագրուելու համար:



ԺԳ. ՏԱՐԻ ԿԻՐԱԿԻ , 7 ՅՈՒՆԻՍ 2020 ԹԻՒ 23

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ
Գ. Թգ. 18.29-46: Դ. Թգ. 2.1-15: Յկ. 5.16-20
ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ՂՈՒԿԱՍՈՒ 4.25-30

ՅԻՇԱՏԱԿ ԵՂԻԱՅԻ ՄԱՐԳԱՐԷԻ
ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ
ԸՍՏ ՂՈՒԿԱՍԻ
4.25-30

Ձեզի օրինակներով խօսիմ: Իսրայելի մէջ բազմաթիւ այրիներ կային Եղիայի օրերուն, երբ երեքուկէս տարի երկինքը չանձրեւեց եւ ամբողջ երկրին մէջ սաստիկ սով տիրեց: Բայց Եղիա անոնցմէ ռեւէ մէկուն չորկուեցաւ, այլ՝ դրկուեցաւ Միդոնի մօտիկ Սարեփթա գիւղը բնակող այրի կնոջ մը: Նոյնպէս, Եղիսէ մարգարէի օրերուն Իսրայելի մէջ բազմաթիւ բորոտներ կային, բայց անոնցմէ ոչ մէկը բժշկուեցաւ, այլ միայն Նէեման անունով ասորի մը:

Այս ակնարկութիւնները լսելով՝ ժողովարանին մէջ գտնուողները բարկութեամբ լեցուեցան: Ելան, Յիսուսը քաղաքէն դուրս հանեցին եւ գահավէժ ընելու նպատակով զայն տարին մինչեւ կատարը այն լեռան, որուն վրայ շինուած էր իրենց քաղաքը: Բայց Յիսուս անոնց մէջէն անցաւ գնաց:

ՔԱԼԵՆՔ ԱՍՏՈՒԾՈՅ ՀԵՏ

Աստուածաշունչը կը հաստատէ, թէ «Նոյ Աստուծոյ հետ քալեց» (ԾՆ 6.9): Աստուծոյ հետ քալել, կը նշանակէ Աստուծոյ հետ ապրիլ եւ անոր ընկեր դառնալ: «Աստուծոյ հետ քալեց» բացատրութիւնը ակնարկութիւն է այն մտերմութեան եւ մօտիկութեան, որ Նոյ ունէր Աստուծոյ հետ: Աստուծոյ հետ քալելը՝ Աստուծոյ հանդէպ կատարեալ հնազանդութիւն ցուցաբերել է: Դիւրին չէր Նոյին համար քալել Աստուծոյ հետ եւ վկայել անոր համար, երբ իր շրջապատի բոլոր մարդիկը կը քալէին ընդդէմ Աստուծոյ: Մեզմէ քանին՞ը կրնան վկայել Քրիստոսի համար երբ շրջապատուած են զՔրիստոս ծաղրող մարդոցմով: Ծաղրածու այս աշխարհին մէջ, քրիստոնեայ մարդը պէտք է համարձակութիւնը ունենայ ոտքի՛ կանգնելու Յիսուսի փառքին համար:

**ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԹԱՎԱՌՈՐՈՒԹԵԱՆ ԵՐՐՈՐԴ
ԳԻՐՔԵՆ 18.29-46**

Կէսօրը անցաւ եւ Բահադի մարգա-
րէնները շարունակեցին իրենց ցնորա-
կան կանչուրտուէր մինչեւ երեկոյեան
գոհը մատուցանելու ժամը. բայց ո՛չ
մէկ ձայն:

Այն ատեն Եղիա Թեքացի ըսաւ
գարշելի այդ կուռքերու մարգարէնե-
րուն.

– Հեռացէ՛ք այլեւս, հիմա ես իմ ող-
ջակէզս պիտի մատուցանեմ:

Եւ անոնք հեռու գացին:

Եղիա ժողովուրդին դառնալով
ըսաւ. «Ինձի մօտեցէ՛ք»:

Եւ ամբողջ ժողովուրդը անոր մօտե-
ցան:

Եղիա Տիրոջ կործանած սեղանը վե-
րականգնելու համար տասներկու քա-
րեր առաւ, Յակոբի որդիներէն սերած
ցեղերուն թիւին համաձայն, որուն
Աստուած խօսած էր ըսելով. «Իսրայէլ
պիտի կոչուիս», այդ քարերով սեղան
մը կանգնեց Տիրոջ անունին, եւ անոր
շուրջը փոս մը փորեց, թիթեղ մը
սերմնցու տանելու խորութեամբ: Ապա
փայտերը սեղանին վրայ շարեց, զուա-
րակը կտոր-կտոր ընելով փայտերուն
վրայ դիզեց եւ հրամայեց.

– Չորս սափոր ջուր բերէ՛ք եւ ող-
ջակէզին ու փայտերուն վրայ թափե-
ցէ՛ք:

Ապա ըսաւ. «Կրկնեցէ՛ք նոյնը»:

Եւ անոնք նոյն ձևով կրկնեցին:
«Նրորոզ անգամ ըլլալով կրկնեցէ՛ք
նոյնը», ըսաւ ան, եւ նրորոզ անգամ
մըն ալ այնպէս ըրին: Ջուրը սեղանին
շուրջ հոսեցաւ եւ լեցուց փոսը:

Նրբ երեկոյեան գոհը մատուցանելու
ժամը հասաւ, Եղիա մարգարէ սեղանին
մօտեցաւ եւ աղօթեց աղաղակելով.

– Ո՛վ Տէր, Աքրահամի, Իսահակի եւ
Յակոբի Աստուածը, ցոյց տու՛ր այսօր
թէ դո՛ւն ես Իսրայէլի Աստուածը եւ ես՝
հու ծառադ եւ, թէ քեզի համար ըրի
այս բոլորը: Լսէ՛ ինձի, Տէ՛ր, պատաս-
խանէ՛ ինձի կրակով, որպէսզի այս ժո-
ղովուրդը գիտնայ՝ թէ դո՛ւն ես
Աստուածը, ո՛վ Տէր, եւ թէ դո՛ւն ես որ
ես քեզի կը դարձնես իրենց սիրտը:



**ՅԱԿՈՐՈՍ ԱՌԱՔԵԱԼԻ
ԸՆԴՀԱՆՐԱԿԱՆ ՆԱՄԱԿ
5.16-20**

Ձեր մեղքերը իրարու խոս-
տովանեցէ՛ք եւ իրարու համար
աղօթեցէ՛ք, որպէսզի բժշկուիք.
որովհետեւ արդարի մը աղօթքը
ազդեցիկ է եւ մեծապէս կ'օգնէ: Եղիա
մեզի նման կիրքերու ենթակայ մարդ
էր, բայց երբ աղօթեց որ անձրեւ
չգայ, երեքուկէս տարի չանձրեւեց
երկրի վրայ: Ապա դարձեալ աղօթեց
եւ երկինքը անձրեւ տեղաց ու եր-
կիրը բերքը տուաւ:

Եղբայրներս, երբ ձեզմէ ոեւէ մէկը
ճշմարտութեան ուղիէն մոլորի եւ
ուրիշ մը յաջողի զայն վերա-
դարձնել գիտցէ՛ք, թէ մեղաւորը իր
մոլոր ճամբէն դարձնողը թէ՛ անոր
հոգին մահուանէ կը փրկէ եւ թէ՛ իր
բազմաթիւ մեղքերուն թողութիւն կը
գտնէ:

ՀԱՐՈՒՆԱԿԵԼ ԸՆԹԵՐՑՄԱՆՈՒԹԻՒՆԸ

**ՊՍՏՈՒՄՇԱՀՈՒՆՉԷՆ: ՄԻՇՏ
ՊՍՏՈՒՄՇԱՀՈՒՆՉ ԿԱՐԴԱՆՔ:**

**ՍՈՒՐԵՐ ԵՒ ՏՕՆԵՐ
ԵՂԻԱ ՄԱՐԳԱՐԵ**



Եղիա մարգարէն, Երբայցեի ժողո-
վուրդին ամենապիղծ թագաւորին՝ Ա-
քապի օրերուն, իբրեւ Աստուծոյ հա-
ւատարիմ մարգարէ, բոլորին կոչ
կ'ուղղէր դարձի գալու կենդանի
Աստուծոյ: Ան մերժուած էր իր
քաղաքացիներէն: Հակառակ այս
վիճակին, ան չէր դադարել իր նուիրա-
կան առաքելութենէն: Մարգարէին
գլխաւոր մտահոգութիւնն էր մարդոց
հոգիներէն փարատել անհաւատար-
մութեան մշուշը, որպէսզի հաւատքի
լուսաշող ճանապարհէն ընթանան եւ
առաջնորդուին դէպի արդարութիւն
եւ աստուածապաշտութիւն:

Եղիա մարգարէն Տիրոջ տնօրի-
նումով կը ղրկուի Սամարիա՝ մոլո-
րած ժողովուրդին մէջ հաստատելու
գլխաւոր պաշտելու անհրաժեշտու-
թիւնը, որ երաշխիքն է փրկութեան:
Աստուած Եղիա մարգարէին միջոցով
ժողովուրդին մեծամեծ նշաններ ցոյց
կու տար:

Տիրոջ հրամանով, Եղիա մարգա-
րէն ժողովուրդը իր շուրջ հաւաքելով
կը բարձրանայ Կարմեղոս լեռ, Բա-
հադի մարգարէներուն եւ ամբողջ ժո-
ղովուրդին ցոյց տալու, թէ Տէրն է
միակ Աստուածը:

Տասներկու քար կը հաւաքէ, Յա-
կոբի որդիներու ցեղերուն թիւով, եւ
անոնցմով զոհասեղան կը սարքէ, վրան
փայտ կը դնէ եւ հորթ կը զոհէ: Յետոյ
կը հրամայէ զոհասեղանին վրայ. «Չորս
սափոր ջուրով լեցուցէ՛ք, ու թափեցէ՛ք
ողջակէզին վրայ եւ փայտերուն վրայ»
(Գ. Թագաւորաց 18.34), ապա կը սկսի
աղօթել:

Մարգարէին աղօթքէն ետք եր-
կինքէն կրակ կ'իջնէ, որ ողջակէզը,
փայտերը, քարերն ու հողը կ'այրէ եւ
ջուրն ալ կը սպառէ: Ժողովուրդը այս
երեւոյթը տեսնելով, երեսի վրայ կ'իջնայ
ու կ'ըսէ. «Յճովան է միակ Աստուածը»
(Գ. Թագաւորաց 18.39):

Աւետարանին մէջ կը կարդանք, թէ
Քրիստոսի այլակերպութեան ժամանակ
Մովսէսն ու Եղիան կ'երեւին Յիսուսի:

Եղիա մարգարէն, իր կեանքի ա-
ւարտին, իրեն յաջորդ՝ Եղիսէ մար-
գարէի հետ Յորդանան գետին մօտ կը
կանգնի եւ ահա հրեղէն կառք մը ձիերով
զինք կ'առաջնորդեն դէպի երկինք: Ան
իր վերարկուն կը ձգէ Եղիսէին,
որպէսզի շարունակէ կատարել
մարգարէութեան սուրբ պաշտօնը (Գ.
Թագաւորաց 2):

Եղիա մարգարէի աստուածահաճոյ
կեանքը թող օրինակ դառնայ մեզի,
որպէսզի մենք եւս կարենանք հաստատ
քայլերով եւ ամրակուռ հաւատքով
ուղղուել դէպի Քրիստոս, որ իր լոյսով
կը պայծառակերպէ մեր հոգիները, եւ կը
խոստանայ բոլոր արդարները լու-
սաւորել ու արժանացնել երկինքի
արքայութեան (Մատթէոս 13.43):

ԲԱՐԻ

**ԱՆՈՒԱՆԱԿՈՉ ՈՒԹԵԱՆ Տ Օ Ն
ԵՂԻԱ ԱՆՈՒՆ ԿՐՈՂՆԵՐՈՒՆ**